

7. júní 1967.

183

Nr. 101.

SAMÞYKKT

um afgreiðslutíma verzlana á Patreksfirði.

1. gr.

Samþykkt þessi tekur til hvers konar smávöruverzlana á Patreksfirði, þ. á m. söluturna, brauð- og mjólkurbúða.

Undanþegnar ákvæðum samþykktarinnar eru: Lyfjabúðir, benzínsölur, að því er snertir sölu á benzíni, olíu, smurolíum og vörum til bifreiða, sjálfsalar, blaðasala á götum, blaðsöluvögnum og blaðsöluturnum, merkjasala og annað slíkt.

Ákvæði samþykktar þessarar ná ekki til þjónustufyrirtækja, svo sem bifreiða-afgreiðslna, að því er varðar bifreiðaafgreiðslu, rakarastofa, hárgreiðslustofa, ljósmyndastofa, viðgerðarverkstæða o. s. frv. að því er varðar þá starfsemi.

Um vinnutíma og önnur starfskjör afgreiðslufólks fer eftir kjarasamningum og venjum.

Ef ágreiningur ris um skilning á ákvæðum samþykktar þessarar, úrskurðar hreppsnefnd Patrekshrepps ágreiningsefnið að fengnum tillögum lögreglustjóra, en skjóta má þeim úrskurði til ráðherra, og er úrskurður hans endanlegur.

2. gr.

Daglegur afgreiðslutími smásöluverzlana og annarra sölustaða, er samþykkt þessi tekur til, er svo sem hér segir, nema öðruvísi sé sérstaklega ákveðið í samþykktinni:

Alla virka daga skal heimilt að opna sölustaði kl. 8.00.

Á mánudögum, þriðjudögum, miðvikudögum, fimmtudögum og föstudögum skal sölustöðum lokað eigi síðar en kl. 18.00, enda beri þá daga ekki upp á helgi- og frídaga, sbr. 4. gr.

Á laugardögum skal heimilt að halda sölustöðum opnum til kl. 12.00 á hádegis.

Síðasta virkan dag fyrir aðfangadag jóla skal heimilt að hafa verðlanir opnar til kl. 24.00 og síðasta laugardag fyrir jól til kl. 22.00 (eða annan dag skömmu fyrir jól).

Enn fremur er heimilt að hafa sölubúðir opnar fyrsta laugardag í desember til kl. 16.00 og annan laugardag til kl. 18.00.

3. gr.

Mjólkur- og brauðbúðir mega vera opnar kl. 8.00 til 18.00 virka daga, nema laugardaga, en þá skal þeim lokað eigi síðar en kl. 16.00.

Á sunnudögum og eins öðrum dögum, sem taldir eru í 4. gr. b-lið, skal lokað eigi síðar en kl. 13.00.

4. gr.

Eftirfarandi reglur gilda um lokun sölustaða á helgidögum og hátíðisdögum:

- a. Jóladað, páskaðag, hvítasunnudag og föstudaginn langa, 17. júní og nýársdag, skal öllum sölustöðum lokað allan daginn.

- b. Alla sunnudaga, skírdag, annan páskadag, sumardaginn fyrsta, annan hvítasunnudag, uppstigningardag, verzlunarmannafrídaginn og annan jóladag, skal sölustöðum lokað allan daginn, sbr. þó undantekningarákvæði 3. gr. og 5. gr. þessarar samþykktar.
- c. Aðfangadag jóla og gamlársdag skal öllum sölustöðum lokað eigi síðar en kl. 12.00.

5. gr.

Hreppsnefnd getur leyft, að fenginni umsögn heilbrigðisnefndar, að söluturnar og sambærilegir sölustaðir séu opnir alla daga frá kl. 8.00 til kl. 21.00 á tímabilinu 1. október til 30. apríl. Á tímabilinu 1. maí til 30. september frá kl. 8.00 til kl. 23.30, sbr. þó a-lið 4. gr.

Sölustaðir þeir, er um getur í 1. mgr., skulu algerlega aðskildir frá verzlun og birgðageymslu verzlunar. Sala fyrrgreindra sölustaða má einungis fara fram um söluop.

Þar skal heimilt að selja eftirgreindar vörur:

Kort, frimerki, dagblöð, tímarit, ritföng, rafmagnsöryggi, nýja ávexti, ís, sælgæti, tóbaksvörur, eldspýtur, öl, gosdrykki, heitar pylsur, rakblöð, raksápu, handsápu, tannkrem, rafhlöður, rafmagnsperur, spil, skyndiplástur, kaffi, te, kakó, kex (innpakkað), ávaxtasafa, niðursoðna ávexti, tannbursta, greiður, bómull, dömu bindi, W.C.-pappír, kvensokka, vinnuvettlinga, filmur og sólgleraugu.

Heilbrigðisnefnd ákveður, hvað af ofangreindum vörum megi selja á hverjum stað og ákveður nánar, hvernig umbúnaði skuli hagað. Á hverjum sölustað skal fyrirkomið á stað, þar sem viðskiptamennirnir geta greinilega séð skrá um, hvað selja megi á staðnum og skal sú skrá staðfest af trúnaðarmanni nefndarinnar.

Hreppsnefnd getur leyft, að á veitingastofum (s. s. kaffi- og matstofum) séu seldar vörur, er getur um í síðustu mgr., að fengnu samþykki heilbrigðisnefndar, á sömu tímum og sala fer fram í söluturnum og ber að greiða gjald af þeirri sölu í sveitarsjóð samkvæmt 9. gr.

6. gr.

Í kvikmyndahúsum, leikhúsum, á íþróttavöllum, útiskemmtunum og öðrum slíkum stöðum skal heimilt að fengnu samþykki heilbrigðisnefndar að selja samkomugestum sælgæti, tóbak, ís, gosdrykki og annað slíkt, sem ætla má, að neytt verði á staðnum. Einnig má selja þar sýningarskrár, minjagrip og annað slíkt, sem eðlilegt telst, að þar sé til sölu, utan þess tíma, en í 2. gr. er nefndur, þó aldrei eftir að sýningu lýkur eða skemmtistað er lokað.

Í kvikmyndahúsum og leikhúsum er slík sala einungis heimil í sýningarhléum og hálf tíma fyrir sýningu.

7. gr.

Eftir lokunartíma sölustaða er óheimilt að selja þann varning, sem verzlunarleyfi þarf til sölu á. Þó skal heimilt að afgreiða þá menn, sem komnir eru í verzlun eða sölustað þegar lokað er. Enn fremur er heimilt að selja eftir reglulegan lokunartíma, kol, salt, olíu, veiðarfæri og vistir til skipa.

8. gr.

Lögreglustjóri getur í einstöku tilvikum heimilað rýmri sölutíma en segir í samþykkt þessari, þegar hann telur sérstakar ástæður til, m. a. þegar ákveðið er, að ágóði af sölu renni til almenningsheilla.

9. gr.

Hreppsnefnd getur ákveðið, að greitt verði sérstakt gjald fyrir leyfi samkvæmt 5. gr. Ákveður hreppsnefnd þá gjald þetta til eins árs í senn.

Gjaldið skal greitt fyrirfram fyrir hvert almanaksár. Sé það ekki greitt á réttum gjalddaga, skal leyfið úr gildi.

10. gr.

Ef leyfishafi, sbr. 5. gr., brýtur samþykkt þessa eða skilyrði, sem hreppsnefnd, heilbrigðisnefnd, eða lögreglustjóri kunna að setja fyrir leyfi eða ef rekstur sölu- staða þykir ekki fara vel úr hendi, má hreppsnefnd svipta leyfishafa leyfinu, enda hafi leyfishafi ekki látið segjast við aðvörun. Jafnframt má ákveða, að leyfi verði ekki veitt til slíks rekstrar á viðkomandi stað tiltekinn tíma.

11. gr.

Brot gegn samþykkt þessari varðar sektum allt að kr. 1500.00. Með mál út af brotum á samþykkt þessari skal fara að hætti opinberra mála.

Ákvæði til bráðabirgða.

Við gildistöku samþykktar þessarar eru öll svokölluð „kvöldsöluleyfi“ samkvæmt áður gildandi reglum afturkölluð.

Samþykkt þessi, sem hreppsnefnd Patrekshrepps hefur samþykkt samkvæmt lögum nr. 17 frá 1. febrúar 1936, um samþykktir um lokunartíma sölubúða, öðlast þegar gildi, með þeim takmörkunum þó, sem lög nr. 45 frá 15. júní 1926 um almanna- frið á helgidögum þjóðkirkjunnar setja.

Jafnframt fellur úr gildi samþykkt nr. 48 frá 2. apríl 1959 um lokunartíma sölubúða og sölustaða.

Félagsmálaráðuneytið, 7. júní 1967.

F. h. r.

Hjálmar Vilhjálmsson.

Gunnlaugur Þórðarson.

S A M Þ Y K K T

fyrir Veiðifélag Kerlingardalsár og Vatnsár.

1. Félagið heitir Veiðifélag Kerlingardalsár og Vatnsár. Heimili þess og varnar- þing er Vík í Mýrdal.
2. Félagið nær til allra jarða, sem land eiga að vatnasvæði Kerlingardalsár og Vatnsár, en þær eru: Höfðabrekka, Fagridalur, Bólstaður, Kerlingardalur I og II, Reynisbrekka, Stóra-Heiði, Litla-Heiði, Lækjarbakki, Presthús I og II, Reynir, Reynisholt, Þórisholt, Reynishólar, Teigagerði, Eyðibýlin Rof og Engi- garður, Garðar.
3. Verkefni félagsins er að viðhalda góðri fiskgengd á félagssvæðinu, og að leigja það til stangarveiði. Félagið tekur til allrar veiði á félagssvæðinu.
4. Stjórn félagsins skipa þrír menn, formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á víxl þannig, að formaður gengur úr eftir eitt ár, annar meðstjórnandinn eftir tvö ár, og hinn eftir þrjú ár, og helzt svo sama röð áfram. Enginn atkvæðisbær félagsmaður getur skorast undan endurkosningu, nema sérstök forföll hamli,